



Ел жүргі - елорда шекіресі

АСТАНА АКШАМБЫ

РЕСПУБЛИКАЛЫҚ ҚОҒАМДЫҚ-САЯСИ ГАЗЕТ

ЖАЗУШЫ. ГЕОЛОГ. ДӘРУІШ

**«ШЫҒЫС ПЕН БАТЫСТЫҚ МЕЖЕСІ МЫНАУ ДЕП КІМ СЕНИМДІ
АЙТА АЛАДЫ? ДУНИЕ БӨЛІНБЕЙДІ» – ІЛИЯС ҮСҚАҚОВТЫҢ
ПРОЗАСЫНДА КЕЗДЕСКЕН БІР КӨРКЕМ ҺӘМ МӘРТЕБЕЛІ
ОЙДЫҢ ҰШЫҒЫ ТҰҢҒИЫҚҚА ТАРТАДЫ.**

**ШІРКІН, ГЕНЕТИКА ҒЫЛЫМЫН БЕС САУСАҒЫНДАЙ БІЛГЕН
АТАҢ ҚАЗАҚ НЕТКЕН ҒҰЛАМА ЕДІ: «ЖАҚСЫДАН ЖАМАН ТУСА
ДА, ЖАМАННАН ЖАҚСЫ ТУСА ДА, ТАРТПАЙ ҚОЙМАС НЕГІЗГЕ»
ДЕП КӨЗЕП АЙТҚАНЫ – СОНЫҢ АЙҒАФЫ!**

Ілияс Халитұлы Үсқақов (1937-1997) ата тегі жағынан Абайдың туған інісі Үсқақтың шөбересінен туады. Әлемді бөліп-жармай, кеңістікті біртұтас көріп тұрғаны, ақсүйектік дүниетанымы тегіне танбай тартқаны емес пе! Бұлдағы қанмен берілген, Абайдан айнымай жүққан ырыс. Көкжиекпен шектелмес сана берген бір құдай. Ал көзі қарақты жүрттың бәрі біледі: 1909 жылы Кәкітай Үсқақұлы Абай өлеңдерін алғаш бастырды, ол Ілиястың арғы атасы.

Ілияс Үсқақовтың «Ақын жүргегі» атты жинағының шекесінде – эпиграфында: «Ұмытылмас Абайға, Құнанбайдың ұлына» деп жазылған. 1937 жылы атылған Ілияс Жансүгіровтың есімін Москвадан білім алған Халит Архамұлы қайтпас қайсар рухын танытып, аңдуыл НКВД-дан қаймықпай Құлагердей мерт болған хас жүйрік ақынның жаназасын жоқтағандай, асыл рухын өлтірмей жаңа туған ұлына қояды. Әкесі жер аударылған шешендердің бірнеше отбасын құтқарады.

Ілияс Үсқақов – Ленинградтың В.Плеханов атындағы тау-кен институтын бітірген, жер жиһанды жаяу кезген геолог. Қаныш Сәтпаев қазакта тыңнан жол салған қыын һәм таңсық ғылымның соқпағымен журуі оның жазушылық болмысына мол олжа салғаны анық. Ол шығармаларын орыс тілінде жазған. Қазақ оқырмандары мен жазушыларының Ілиясты көп біле білмейтіні содан.

Геологтардың қандай оқымысты келетініне оның мына бір әңгімесінен үзінді куә: «Геологтар қызық халық – олардың әрқайсысы біздің және шетелдің классикасын оқып үлгерді деп сана. Ол кезде жақсы достар сияқты кітап та көп болатын» (Илияс Исқаков. «Сердце поэта», 203-бет). Ол мамандығын шын сүйіп, қыр-сырына қанық. Тайганың үстінде самолетпен ұшып келе жатып, кияндағыны көзі шалады. «Қанаттың астында мұлгіген ит тұмсығы етпес қалың тайга мен көлдердің ағарандаған дақтары. Өзендер қалай күшті шиырлайды! Геологияда былай айтады, олар қартаю сатысында болған соң, міне сондықтан бұраландай ағады. Ал бір кезде жас болғанда, арнасы толық тұндып аққанда, өзендер тура жолмен жүретін – арынына сенімді, күшті сулар». Жазушы тундраны «Әппақ үнсіздік» деп қалай дөп атаған! Сондай-ақ, жазушыда «геологиялық ақыл» деген тіркес кездесетіні тегін емес.

«Ұзақ жылдарғы экспедициялық жұмыста мен заңдылықты байқадым – пайдалы кен орындары тап бір адамнан тығылады. Кен іздең жүріп геолог жатын орнынан тым алысқа ұзап шығандап кетеді. Оның өзімен-өзі өмір сүріп, жападан-жалғыз жұмыс істеуіне тұра келеді». Артынша жазушы тәжірибелі шалдардан естігенін айтады: «Кенді мылқау тастар, жылан мен құзғын жайланаған, солмайтын гүл шебі өскен жерден іздеу керек». Қатер, қауіпке толы геологтың ғұмырын сүрген Ілияс тұнық мұнды ойшылдығымен баурайды.

Орыс әдебиетін кей орыстан артық біліп, сол мәдениеттің қазығынан табылса да, Ілиястың жаны қазақ жазушы екенін қолтаңбасы айғақтайды. Ол тундрадағы мезетін, оның тәуліктің қай мезгіл екенін күздे ажырата алмастай бұла, тұмса табиғатын сол қалпы суреттейді. Жер жаралғалы тап осылай мұлғи тұнжыраған тундра, сірә. Шыңғыстаудан шыққан қазақ баласы айдала Баренц теңізінің лебін сезініп, табиғат сұлулығын шашау шығармай шебер қайталайтын суретші натуралист сияқтанады. «Бірақ көктен бір таңғажайып сәүле тарайды» («Но какое-то дивное излучение идет от неба»). Ол солтүстік шұғыланың дәл астында жүр. Көк тәніріге табынған көктүріктің үрпағы, оның аспаны әрдайым нұрлы. Қаз қанатының сусылын құлағымен әрі жанымен сезініп отырған қазактың қанында, отқа, қозға сағыныш барын жазуынан көру қыын емес. Неліктен екені тағы аян, ол әлсін-әлі этнонимдік тартылыс құдіретімен қаз бейнесіне қимастықпен айналып соғып отырады. Поляр өңірдің өзге құсы құрып қалғандай, қазға көбірек елжірейді.

Жазушы стилінің дәлдігі мен географиялық жер бедерін сүюі айқын. Оқырман қасына еріп, қатар жүргендей әсері бар, білгірлігі тәнті қылады. Мен ежелден географиялық атаулар, топонимдерді сүйіп оқытын қауымнан едім. Топонимдер – өмірден әлдекашан өтіп кеткен адамзаттың көркем түйсігі мен өситеті, әрі тарихтың бейсанға ағымын таңбалашуы жад, әлдебір ғарыш пен жер астасқан код! Деректілік – көркем прозаңың ұшар қанаты. Оның прозасынан жалғыздығы мен тектілігі үнемі байқала береді. Барша тірі жан иелеріне, жанды табиғатқа сүйіспеншілігі орасан. Бір деталь: геологтардың отрядында Вадим атты механик-жүргізушиңің шалажансар құрдың жүнін жүлған сәтін бейнелеуінде адамшылық ниеті анық. Мынау қатігездіктен жүрегі жаншылған ол жан күйзелісін табиғатқа аудара суреттейді. Қыын жолдан шаршап келген топ асқа қарағысы келмей қалады және әлгі адамнан дереу құтылады. Вертолет шақырып, Вадимді демалыс деген сылтаумен үлкен жерге қайтарады, оның енді геологтар ортасына қайта оралуға құқы жок.

Ілияс Үсқақовтың прозасында геология дәрістері тұнып тұруы занды, жер жынысын, кен орындарын зерттеуі көш бастардай. Әрі шығармасының елең еткізер көркем ерекшелігі осында жатыр. Автор минералогия, палентология, ономастика, география, геодезия мен топонимиқаның поэтикалық құдіретін оқырман санасына сіңіруге тер төгеді. «Шатырда үшеу: Владик –

геоморфолог, Володя – геофизик және мен – геолог». Демек, Ілияс геологиялық карта жасаумен шұғылданып жүрген ғалым болғандықтан ғылымсыз қалам тартпайды деген сөз. Мұз қабаттарында, атам заманы геологиялық шөгінділерде, полярлық жер-суларында жазушының табаны баспаған пұшпақ жоқ тәрізді.

Ілияс солтүстіктің халық әнін қастерлей қайталайды: «...Ақ қанатты аккулар Терістікке ұшады, / Олардың нәзік қанаттары аязды күйдіреді» (Орысшадан жолма-жол аударма менікі – А.К.). Аққу-қаз сағыныш сазындағ сезілері, жыл құстары сахараға – туған жеріне ұшқандықтан. Ол көшпелі нәсілдің тұғыры ғой, ежелгі ғұндар, сақ ата-бабасындағ көшіп-қонып журуге әбден көндіккен, мейлінше дағды алған. Бұхар жырау «Жар басына қамалып, / Жарты лашық тігерсін» деп жырласа, ол жар жастанып, тас төсөнген, ұйқы келсе қара тас мамықтай болған ауғақ тіршілік адамына айналған. Ілияс Ысқақұлы жолдастарымен құладұзде ылғи қос тігіп, ошаққа мосы ілгендей асын пісіріп отырғаны, кезбелікпен күн кешкенін мына кітап айғақтайды. Үлкен жерге жету үшін бұл экспедициялық топ жұмалап бұзылған күн райының оңалуын тосып жатады. Өркениетті тіршіліктен бейдауа қорғану тәрізді; жабайы тірлік романтикасынан бұрын қыр сонынан қалмайтын қайғыдан бас сауғалап, жан сактар астары әсте жоқ емес. «Нәлет біздің жүріске!» деп Махамбет жырға қосқан жүрістен жүкқан шер сағымданар. Жаһан кезген жүрісінде жыл он екі ай сандалмамен күн кешкен жазушының жан азасы, құса-наласы, тұншыққан айқайы бөгіп жатыр. Өйткені ол үкімге кесіліп, қуғындалған, жалқы емес, тұтас бір ұрпақтың басына түскен жаланың құрбаны, сондықтан ол бейбіт күнде итжеккенге өз еркімен аттанғандай әсері бар. 1937 жылы халық жауы деп атылғаның біреуі менің атам Кемелбай, ішінде шері мен кегі кеткен қазақтан туған немере болған соң мұндай назаны мен ұқпағанда кім ұғады. Бұл Ілияс Ысқақұлы тұлғасының өзім жазбай таныған абстракция мен абсурдты өмірбаяны, қайғысының іш қалыбы.

Ақтабан шұбырындыда, Сырдан ауғалы Шыңғыстауды иен жайлаған тобықты руының ырғызбай атасының басына осы ауғақ, екіталай күн, қуғын-сүргін совет үкіметімен қоса туған екен. Елсізде жалғыз шоқиған, дүшпаны қуып жетіп, көзделеп атып, асыл сүйегін құр құдыққа тастанып, 30 жыл жатқан Шәкерім атасының жазмышын еске салатын мезеті. Ырғызбай әuletінде ерек тұқымын тұздай құртқан сүм заманың нәубетіне не дейсің?! Қазақ халқын қынадай қырған ашаршылық кезеңі, «халық жаулары» деп оқыған қазақты тегіс аулаған өлара. Абайдың нақ өз кіндігінен тараған тұқымнан бірен-саран ер кіндігі қалса, оның өзі орыстанып кеткені рас. Репрессия қазақтың ең текті тұқымдарын ес жиғызбай жойды, құртты, қорлық шеккізді. Міне, сана түйсігінде жазықсыз қуғындаудан запы болған, экесі Халит Архамұлын халық жауы деп екі мәрте соттаған соң, көкірегіне шер тұнған бір ұрпағы өз еліне табан тіреуге құлықсыздай сезіледі. Айдалада қанғып жүргені артық, сірә. Бәлкім, мынау сыған тірлік азаттықты қайыра иемденудің бір жолы – геолог болып еркін жүру шығар. Кім білсін.

Трагедия. Тектік нышан. Құлан құдыққа құлағанда құрбақа айғыр болған кездің уыт-ызғарын жадтан өшіре алмау. Ностальгия Ілиястың әр жолында тығылулы, зарыққан аңсар бар. Ол арғы атасы азулы шонжар Құнанбайдың күшті уақытын үйқыда жатып сезінердей: «Мен үйқыда жатқанда тіпті тебемін. Ендеше қорықпаныз» дейді ол иен далада қоналқада, шатырда жатарда қасындағы серігіне. Шынжыр балақ, шұбар тес аталары тебісіп өткен, дүшпанына есе жібермеген. Оның жыр-талаіын қазактың мандайына біткен ғұламасы, классик жазушы Мұхтар Әуезов «Абай жолы» роман-эпопеясында суреттеп кеткенін білеміз.

Мен ойласам, Ілиястың ана тілінде жазбағаны өкінішті. Абай мен Шәкерімдегі классиктермен аталас, құнарлы тіл иелерінің жас өскін бір бұтағы бола тұра, ол заманың кесірі мендер, қоғамының ығымен, қаланың заңына бойсұнып, өз тіліне жат болды. Жеріген жоқ, мәжбүрлік көндірді. Орысша білмейтін қазақ құнін көре алмайды деген қағида берік қалыптасты. Тепсінісіп келгенде кем болмау үшін бұл жол таңдалды. Қаладағы қазактар жаппай тұтылуға шақ қалды. Бұл ұлттық қасірет. Бірақ оның прозасын оқып отырып, ол рухымен қазаққа бөгде, жат болды деп айту нағыз құнә. Шетке шығындауының өзі оның адасқан қаздай қаңқылдаған жан дауысын үқтырмай ма!

Шпицберген мұздактарына таяу, арктикалық шөлде, бір қиян ит өлген жерде, Баренц теңізі маңында жүріп, ол сол тауда өскен шыршалардан Алатаудың кескінін көзге елестетеді, отанын ұмыта қоймайды.

Ілиястың жазушы ретіндегі басты ерекшелігі, батыс әдебиетінде дамып кеткен, француз Бодлер, орыс Иван Тургенев негізін қалаған өлеңдегі проза – «стихотворения в прозе» жанрын қазақ топырағына әкелуі. Осы ақ өлеңнің прозадағы хас шебері Жұсіпбек Аймауытовтың роман-повестері, асыл мұра тыйымда тығулы кез. Ілиястың қысқа жазылған лирикалық, философиялық сарындағы әңгімелері осы жанрдың табиғатын толық ашады. Ол тұстас қазақ жазушыларынан мұндай жанрды, құсни сарынды өз басым ешкімнен кездестірмеген тәріздімін.

Ілиястың кітапты сүйіп оқып, оның кейіпкерлерімен сырласатыны анық. Бұл жағынан ол шынайы жазушы бейнесіне тән мәңгі Дон Кихоттықты растайды.

Оның тастары сөйлейді. Кен орындарын іздеу – кәсібі. Геологтар асыл тастардың неше атасын, қылыш атауларын тау жыныстарынан табады: «... қан-қызыл гранит дәндерін салқын суда жуып қойды, алмаздардың серігі». Мағынасыз егжей-тегжейлі суреттеу кейде шаршатады, бірақ Ілиястың тырбиган аласа қайындар өсетін өлкенің мұкті жер қойнауының қастерлі тастарының сырын шебер әңгімелегеу өзгеше. Ол тастарды қиялышнда да көреді. «Тундра тегіс, жазықтана көрінетіні алдамшы көрініс». Осыны жазушы көзімен көрген соң айтпай ма! Тундра жұмсақ, жасыл бұйра,

аңсарлы көрінері туу алыстан. Жаратылсы тылсым. Асқақ, сұлу, текті, кезегенге оңай алдырмайды. Тиіп тұрған жерде адасып өлу оп-оңай. Тегінде мұндай қаңғыбас, тұрмысқа қолайсыз, салпаңдаған өмірге көп жүрттың жаны шыдас бермейді. Талайы бір жұмадан соң құрылышқа кері қайтады. Тіпті геолог мамандардың ішінде жұмысын тастап қашатындар бар. Қаптаған маса, су стихиясы, иен, жаз-қыс демей далада тұнеу, жалғыздыққа әбден көндігү оңай емес. Романтикасы тек айттарға ғана, әйтпесе катал табиғат құбылуларына ысылмай болмайды. Бірақ жазушы кезбеліктен айни қоятындардың санатынан емес. Ол Қыыр Шығыстың тазалығын, пәктігін, адамдарының рухының тазалығын сүйеді. Қозғалыс күшінде өмір тұр. Оның философиясы осы. Еске Шәкірім атасының «Жаралыс басы – қозғалыс» деген өлеңі оралады. Ілияс бар бейнеден, тас мұсіндерден тіршіліктің бұла құштерін таниды. Қыыр Шығысты кезіп жүргендеге туған жерінің жоталарын, жусанды даласын сағынып жүреді. Поляр тұнінде бабаларының көшпелі тұрмысын аңсайды. Сарыарқаны, Делбегетейді, Алатауды, Құланды жазығын, Шыңғысты құс жолына, тұнгі жұлдыздар шоғырына қарап ойлап отырады. Ғарыш құсының қанатынан ұйықтап жатқан дөңгеленген ауылдарды көреді. Бақсы туралы жиі толғайды.

Азаттық сүйер ерлердің өмір салты. Бостандықты шын қалайтын жандар бұған бейім. Өз еркі өзінде, бұғаусыз, қыспақсыз, жалған мінезсіз тірлік. «Дегенмен, бізде, шамасы, бәрі сондай – өзінің жеке басының өміріне немқұрайлылар».

«Саған, жалғызға, мынау орасан зор тілсіз жартастардың арасында женіл һәм беймаза, үрейлі» деп жазады Ілияс «Жыланның жүрегі» атты әңгімесінде, және жан дүниесін кеулеген жалғыздығын ештеңеге селт етпес жыланның жүрегіне теңейді. Ол өзін бұл үнсіздік өлі емес деп жұбатады. Шыңғыстауын, аласын жалбыз бен жусан, тау-тасты есіне алып қамығып толғайды. Мұнысы Абай атасының «Сегіз аяқ» атты өлеңіндегі жалғыздықтың ишарасын, қүйігін, кіл надандықтың арылмас сорын қайталап тұрған тәрізденді. Абайы бар елдің хакімнің ықпалынсыз кетуі мүмкін емес.

Жартасқа бардым,

Күнде айқай салдым,

Онан да шықты жаңғырық.

Естісем үнін,

Білсем деп жөнін,

Көп іздедім қаңғырып.

Баяғы жартас – бір жартас,

Қанқ етер, тұкті байқамас.

Ол Семей полигонының уытын, атом бомбасы жарылған алапатта аң-құсы жылаған біздің киелі өлкеміздің, бөгделер менсінбейтін ұлы даланың қасиетін, қалага қоныстап, тегінен жаңылған қазактардың тоғышар тіршілігін үғады. Ана тілін ұмыта бастағанын өзі уайымдайтын Илиястың қос жарылған сана ағымында Россия мен өз елі кезек ағатыны қайран қалдырады. Қазақтық таза сақталмаған күйге ел тұтылған. Қазақтың оқығанының енді орыссыз күні жоқ. Сөйтеп тұра жазушының үлттық сезімі күшті: «Ат тұяғын естисіз бе. Бұл Құрманғазы. Бұл мені құтқару үшін жүйткіп келе жатқан оның жылқыларының дүбірі...». «Менің әкем тірі болса осынау ежелгі, әлі тыныштықты білмеген Жерде есі ауысқандар мен кемтарлар болmas үшін ол Семей ядролық полигонын жарып жіберер еді, құрттар еді». Әкесінің азаматтығын ұлы аса биік бағалайды! Тұтас бір әктем империяға қазақ қарсы келеді деп тайсалмай айтады, байқайсыз ба?! Ол патшалықтар құриды, тек ақын жүргегі өлмейді деп жазды.

Илияс Ысқақовтың стиліне прозаның қысқа жанры: үзік-үзік фрагменттік, нобай, қарызданған сюжеттерді өзінше жазып шығу, ақ өлең тән. Өтірікке, қысыр қиялға, данғазаға жоқ проза қысқаны сүйеді. Дегенмен бұл оның кемшілігі де, қыық-қыық тілінгендей жаралы өмірінің тұспалы. «Өмірді бағаламайды. Құстай еркін қалықтап өмір сурді. Тәкаппарлығы да құс сияқты» деп жазды ол бір танысы туралы, шынтуайтында өзіне де ұқсан тұр. Жетімдігі. Даға кезіп үйренген Илиястың жүргегінің ақтық соғуы сол туған даласында тоқтайды.

P.S.

Илияс Ысқақовтың «Ақын жүрегі» атты кітабы туралы жазуды мәған республикалық «Абай» қорының басының Балташ аға аманаттады. Қазір іздеушісі болмаса көркем әдебиеттің мұңы қалың. Екі мәрте саяси репрессияда сотталған ардақты әкесі Халит Ысқақов туралы естелігінде Илияс Семейдегі мемлекеттік Абай мұраҗайы тұрған үйде, атасы Архаммен тұрғанын жазады: «... ал аулада менің үш атадан қосылатын ағам Балтабек Ерсөлімов аласы Қапизамен тұрды. Ол менен сәл үлкен болған соң мені тоқпақтап алатын. Сосын бәрібір қайта құшақтайдын».

Қазақ «түбі бірге түтпейді» деп айтады. Қазақтың аруақты сыйлайтын, арғы тегін ойлайтын қасиеті өшпейді.